

綱鑑總論

鳳章書

綱

江苏工业学院图书馆  
藏书章

總論

著易堂校印

叙

讀書不讀史雖才華富有皆糟粕耳且不免  
空疎之誚然一部廿四史又豈可言易讀耶  
上下千古事不知須幾何歲月始可畢讀吁  
亦難矣哉吾讀綱鑑總論上自三皇以迄明  
季挈領提綱撮其大要論斷確鑿直使歷代  
興廢萃於一編俾讀者一覽無餘幾若吾身  
親見眞皇皇乎鉅文也其有裨於後學豈淺  
鮮歟是爲序

光緒辛丑重陽後一日

古董陳受頤撰

歷代綱鑑總論目錄

卷上

三皇五帝

夏

商

周

周秦

西漢

東漢

兩晉

劉宋

蕭齊

梁

陳

隋

唐

卷下

唐

後梁

後唐

後晉

後漢

後周

北宋

南宋

元

明

綱鑑總論卷上

三皇五帝

維天立君以御世也。維君立極以統衆也。盤古生於太荒。莫知其始。明天地之道。達陰陽之理。爲首出御世之君。自是而天地人物渾沌開矣。厥後三皇嗣興。天皇澹泊化俗。始制干支。地皇定三辰。分晝夜。制日月。至人皇氏。相山川。分九區。溘風洶穆。主不虛王。臣不虛貴。君臣以定。政教以興。飲食男女以肇。當日者。九皇五龍攝提。合維連通。敘命八十六君。自是循蜚。因提禪通。疏佐皆有世次可紀。稽其所有。則鉅靈揮五丁而反山川。竟開闢未竟之功。泰壹調太鴻氣而正神明。位盡陰陽不盡之變。辰放茹皮。緇髮民



漸冠裳有巢構木爲巢害遠蟲豸遂皇氏

燧

作鑽木取火

烹飪利興作結繩之政立傳教之臺交易起而人情以遂

女媧氏興革亂補天五常攸復造通俗之笙制一音之管

瑟絃改而情樂兼和其他非無神靈制作以前民用然世

遠事湮疑者闕之三皇之說亦多游移宋漁仲鄭樵斷以

太昊炎帝黃帝爲三皇而以少昊顓頊帝嚳堯舜爲五帝

是爲近之太昊伏羲德合上下日月象其明龍馬河圖神

其應八卦發陰陽之蘊書契代結繩之政干戈剗武事之

始配干支作甲子以爲厯象之宗正姓氏制嫁娶以正人

倫之本以贍民用則教網罟養犧牲以通神明則斲桐琴

絙

互平聲張也

桑瑟以鎮天下則作荒樂歌扶徠以龍紀官而上

相

共工

下相

柏皇

定其分。當是時，若歲之有春日之初，出太羹

玄酒之末，有滋味而萬古文明，實始基之。炎帝神農樸重

端慤藝五穀，制耒耜而農事興，嘗百草作方書而醫道立。

為日中之市而列廛，因夙沙之叛而修德。東至暘谷，西至

三危，南至交趾，北至幽都，率土普天，喁喁向化，猗與盛哉。

臨魁

承明宜來裏

六帝僅可持世，至榆罔

炎帝裔好兵喜亂

遭蚩尤之亂而

不能制，軒轅黃帝修德，振兵戰阪泉而榆罔降，封戰涿鹿

而蚩尤就戮，委任六相

風后力牧常先大鴻太山稽

而天下治，考星占斗而

天道明，容成作渾天，隸首理算數，積秒分以置閏，配甲子

而設葷，造鐘箎律呂以和五音，製弓矢鉦鞀以建六師，立

步制畝以定井田，畫野分州以營國邑，教蠶桑而紉瘵，免

范金刀而貨幣行制舟車而天下利作內經究息脈處方  
向而民氣和造指南之車作咸池之樂昔之穴居野處者  
今始有宮室昔之汙尊杯飲者今始有什器昔之服卉衣  
皮者今始有冠冕章服浩浩乎大同之世屈軼生於殿庭  
鳳凰巢於阿閣麒麟遊於苑囿先儒謂其世爲文明之漸  
信然荆陽晏駕少昊金天纘位窮桑鳳鳥呈祥因紀官號  
立磬鼓以通山川作大淵而諧神人及其衰也九黎亂德  
家懼以神人惑以怪顛頊高陽靜淵有謀命南正重司天  
而鬼神治命北正黎司地而綱常明革九黎之亂作承雲  
之樂以建寅月爲厯元五星會於營室鳥獸萬彙莫不應  
和帝嚳高辛郁郁嶷嶷修其身而天下服惜闔於立嗣使



荒淫之摯履至尊而制六合九年而廢其亦幸矣稽古帝

堯學子仁昭義立如天如神如雲如日土階茅茨昭其儉

不虐無窮昭其慈察共工有滔天之罪聞舜生於側

陋之中命伯禹而懷襄害除命羲和而人時敬授觀冀茨

以知旬朔巡方嶽而賑荒札平章昭明協和於變所由康

衢有謠堯治天下五十載不知治與不治乃遊於康衢兒童謠曰立我蒸民莫非爾極不識不知順帝之則擊壤有歌老人擊壤而歌曰日

出而作日入而息鑿井而飲耕田而食帝力何有于我哉而來華封之祝也帝巡于華華封人曰嘻請祝聖人使聖人富壽多男子帝曰辭

多男子則多懼富則多事壽則多辱封人曰天生萬民必授之職何懼之有富而使

分之何事之有天下有道與物皆昌天下無道修德就閒千歲厭世去而上仙乘彼白

雲至于帝鄉何尊之有虞帝以陶漁耕稼之夫升聞在位齊七政輯五

瑞詢四岳命九官罪四凶而天下服登元愷而教化行歌

南風帝撫五絃之琴歌南風之詩曰南風之薰兮可以解吾民之愠兮南風之時兮可以阜吾民之財兮而吾民懷設旌陳

鼓而言路廣藏金捐珠而儉德彰簫韶九成而鳳凰來儀  
干羽兩階而有苗來格星輝雲爛地平天成至矣哉大矣  
如天之無不疇也夫混沌鴻荒終而復始於皇羣聖體維  
天不已之命爲三綱禮樂之宗天皇以無爲闢治伏羲以  
一畫開天炎黃二帝文明漸啟至堯舜啟執中之傳闡精  
一之訓而斯文大明如日中天一元文明之會不在茲乎

按邵子以自有天地至於窮盡謂之一元一元有十二會一會有一萬八百年子會  
生天丑會生地寅會生人至戌會則閉物而消天亥會則消天并消地至子會則又  
生天而循環無窮矣自寅會箕一度至午會星  
一度該四萬五千餘年正唐堯起甲辰之時也

夏

稽古大禹以邁種之德敷土治水力蓋前愆乘四載以奠  
山川則三壤而成貢賦罄律身度克儉克勤受虞帝禪終

陟元后会諸侯於塗山執玉帛者萬國任陶

阜益伯

以輔

政興學校以明倫懸鐘鼓鞀鐸以來四方之諫建旌旗旂  
旒以別尊卑之等鑄九鼎以象九州作大夏以廣帝德泣  
罪人而痛百姓之異心絕旨酒而知後世之亡國厯山鑄  
幣賣子者贖會稽計功後至者誅歲首建寅而四時正洛  
書有錫而九疇序故其時天有兩金之祥地有玄龜之瑞  
蓋禹之明德遠矣后啟家天下而嗣位享諸侯於鈞臺威  
莫加焉待商均以賓禮德莫厚焉有扈不道載主親征人  
心敵愾帝則增修於德無勤兵於遠卒之天用勦絕則帝  
之奮發有爲可知也天嗇其齡享國不永惜哉太康尸位  
逸豫滅德遊畋弗返逆羿操戈鬱陶予心顏厚忸怩蓋帝

之自取爾仲康命胤侯而收既倒之兵權征羲和而翦已  
 成之羽翼終帝之世羿不得逞其規模似有大過人者后  
 相嗣立夏室不競逆羿斯侮逐帝而代其政迺天道好還  
 卒為其下寒浞所殺寒浞竊位敢行弑逆天子受刃國母  
 起緝一成一旅布德收衆委任遺臣靡恢復禹績揮戈於過  
 而澆誅揚鑣於戈而殪滅元凶克殄夏道復興論者謂少  
 康為歷代中興冠亶其然乎后杼英毅佐少康成中興功  
 用能師禹為夏家有德之宗后槐嗣之東夷九部稽首來  
 享后芒賓河狩海之舉不墜祖勳后泄承禘六夷咸受爵  
 命蓋有禹之遺烈焉不降席崇最永九苑一役僅可稱述

后局后塵四十餘載碌碌無聞至孔甲作破斧之歌喜擾  
龍之術而金極生水運以休囚后皐后發本非有爲之主  
重之以履癸尤爲不道恃握鉤申鐵之力矜戰勝攻取之  
能瑤臺瓊室以殫百姓之財肉山酒池以博妹喜之樂愛  
民節用之規進而龍逢關見殺鑿池夜宮之諫入而終古  
奔商以故星隕地震泰山崩伊洛竭匹夫醜夏多士懷商  
鳴條造攻時日云亡而四百三十九歲之夏社屋矣君天  
下者可不鑒哉

商

商自玄鳥降生以來傳十二世而成湯嗣封承天之休白  
氣貫月畔其生解網祝禽昭其德克寬克仁不邇不殖任



伊尹以國政伐夏救民纘禹舊服建丑朔立助法置二相  
伊尹仲虺而左右之佐惟良會東郊而命討之典式敘求哲人  
而立賢無方禱桑林而六事自責製風愆之訓爲諸器之  
銘鑄莊由之金作大濩之樂懋昭大德兆民永懷立六百  
祀之章程開十六傳之統緒上繼堯舜下啟文武夫豈曰  
有慚德也哉外丙仲壬享年不永太甲嗣立實爲太宗維  
時伊尹輔政一德元輝弗狎弗順則放君而不嫌其逼自  
怨自艾則復辟而不涉於疑卒之克終允德爲商令主而  
尹之志昭昭矣沃丁委任咎單尊崇伊訓稱太平之治太  
庚以弟繼兄遂啟亂源小甲雍己不能紀綱庶政商道寢  
衰中宗太戊反衰世之陵夷以伊陟臣厲巫咸爲輔修先

王之政明養老之禮三日而祥桑死三祀而遠方朝此一

中興也仲丁亳都河決爰遷於囂自是而後廢嫡階亂諸

弟爭立禍延九世外壬嗣服至河亶甲而帝都再徙於相

祖乙又遷於耿簡相巫賢巫咸子諸侯賓服天下太和此亦

一中興也祖辛以來爭於奢侈沃甲祖丁南庚三世爭奪

相尋陽甲崇侈宮室民居墊隘諸侯不朝商道復衰至盤

庚復遷歸亳改國號殷民不適有居王迺反復告諭以口

舌代斧鉞而殷邦嘉靖此又一中興也小辛小乙再世不

競高宗武丁舊居民閒出入同事知稼穡之艱難作其卽

位恭默思道帝賚良弼而傳說命作雉升鼎耳而祖已訓

從克鬼方朝重譯此又一中興也祖甲不義為王祖庚始

得踐位七祀而崩祖甲復立爰知小人之依惠鮮庶民不  
侮鰥寡爲殷賢主廩辛庚丁殷祚式微武乙不道遷都河  
北而水德將滅天神代博革囊射天終古所未聞者渭濱  
之震豈曰不宜太丁短祚帝乙繼之亦賢君也使不執於  
立嫡而後嗣得人殷澤未必遽斬見不及此迺使暴虐之  
紂纘承大統智足拒諫言足飾非惟妲己之言是用斲朝  
涉之脛剖賢人<sub>干</sub>比之心剝喪元良剗剔孕婦鹿臺貫朽鉅  
橋粟紅瓊其室而玉其門池其酒而林其肉作象箸之珍  
制靡靡之樂縱長夜之飲觀炮烙之刑自絕於天結怨於  
民故岐山之師一興孟津之會旋合白旄黃鉞向闕稱戈  
血浸朝歌身作煨燼而鼎遷於周矣夫有商一代風俗最

美迺羣賢聖維之而不足一獨夫敗之而有餘後人鼓箕

子之操誦麥秀之歌

箕子朝周過故殷墟傷宮室毀壞生禾黍乃作麥秀之歌曰麥秀漸漸兮禾黍油油兮彼狡僇兮不與我好兮

殷民間之流涕能無切齒而隕涕也哉

### 周

周自姜嫄履跡生棄號曰后稷教民稼穡使民不飢稷子

不窳失官自竄於戎翟之間孫鞠陶生公劉能修后稷之

業遷國于豳幽地苦寒遂成沃壤十三傳至太王

古公當

殷武乙之時王綱不振太王積德行義國人戴之獯鬻內

侵而百泉溥原之地不能一朝居矣幸終南雍隴之區王

氣所鍾拔木通道民如歸市

改號曰周

肇基王迹實始翦商誠

非誣也王季嗣位克明克類克長克君雖塞庫受羈功名